




INCRE
 NOSSECVSFACTIZWIVVIVV
 MAMOCERTIVAVVIVV
 VVVVIVVIVVIVVIVVIVV

725





9
Ein Christlicher

**Sendebrief an die Bürger der
Stad Paderborn aus Antorff gesand/
darin Gerhart Ködekens vnechrist-
lich vorhaben mit gewissem
grunde der Schrift vnd
anderer gezeugnisse
verlegt wird.**



Durch

**Hermannum Hammelman /
der heiligen Schrift Licenciatum
vnd Pfarherr zu Lemgare.**

**Sampt einer kurzen Vorrede /
M. Hieronymi Mencilij / der
Graffschafft Mansfelt
Superintenden-
denten.**

ANNO LXVII.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Small handwritten mark or symbol, possibly a decorative initial or a specific notation.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.

Handwritten text, likely a title or heading, appearing as a faint, mirrored bleed-through from the reverse side of the page.



Dem Christlichen

Leser.

Als mir diese nachfolgende
Schrifte / Christlicher lieber
Leser / erst in die Hand kom-
men / hab ich mich höchlich ver-
wundert / das noch das unselige
vnd Antichristliche Papstthumb / so verstockt /
blind / vnd toll sein köndte / das sie sich wider of-
fentliche helle Wahrheit legen / vnd nur die eine
gestalt des Sacraments (wie sie es nennen)
noch vertheidigen dürffen. Da sie doch in vn-
langest ausgegangener Schrifte selbst beken-
nen vnd nachgeben müssen / das beide gestalt zu
gebrauchen recht / vnd nachgelassen sein solle.
Dne / das sie den Teufels Schwanz dran hen-
gen / das es omb Bepflicher nachlassunge wil-
len recht sein solle. Welcher Teufel aber hat es
dem verfluchten Papst befohlen / das er etwas
von Christi Ordnungen weg thun / vnd solches
hernach zulassen solle ? Ich meinte / Christus
Ihesus were der Oberste Herr vnd Heubt sei-
ner waren Kirchen / an welchen vns der Himli-
sche Vater also verbunden hat / das wir inen al-
A 2 hie

Vorrede.

hie hören/ vnd vns nach seinem Wort vnd ordnung
richte vnd halten müssen. Aber das kan bey diesem
freuelen. Gesindlin nichts helfen noch gelden/
damit ja jederman in der that vnd im wercke sehen
können / das sie die rechten Widerchrist/ vnd Gottes
vnd seines Wortes Verkerer vnd Feinde sein/
für welchem sich alle welt zu hüten/ vnd von im
abzusondern / Vnd wie die Offenbarung Johannis
befihlet / auszugehen/ vrsache gnugsam haben möge.

Ich habe aber diese ganz gelinde Schrift/
darin der rechte/ vnd beständige grund von beyderley
gestalt des Saeraments / nach Christi Befehl vnd
Ordnung zu entpfahen / fürzlich angezogen ist/
auch ohne furwissen/ des/ der sie gestellet hat/
aus folgenden vrsachen drucken/ vnd publiciren
lassen. Erstlich/ das ich von etlichen frommen
herzen/ so sonst noch vnter dem vnseligen
Papsthumb gefangen liegen / darumb ersucht
worden bin / welche nicht allein ihnen diesen
bericht hertzlich belieben lassen/ sondern auch
hoffen/ das er vielen andern auch tröstlich vnd
dienstlich sein werde. Zum andern/ das mir der
Autor dieser Schrift wol bekant/ auch als ein
rechter trewer Lerer vnd Diener Gottes hertzlich
lieb ist/ Vnd ist mir ein sonderliche

an den Leser.

liche freude gewesen / das er den vnsern zu An-
torffen ein trewer gehülffen vnd beystand / in
pflanzunge der heilsamen Warheit gewesen
ist / wie sie mir in ihrer widerkunfft / seinen vleis
vnd Gottselige eruditio vnd eyfer höchlich ge-
rühmet haben. Vnd verhoffe ich inen mit dieser
(jme vnbewuste) Publication anzubringen / vnd
also in den handel zu stecken / das er fortdrin-
gen / vnd dem Pepsischen hauffen mit ernst /
widersprechen werde / wie ihme denn dazu der
trewe GOTT gute vnd reiche gaben verlie-
hen vnd gegeben hat. So hat mich auch zum
dritten beweget der vnuerschampte mutswille /
des bösen / hoffertigen vnd geitzigen menschen /
Ködecken / welchen er hierin wider sein eigen ge-
wissen / vnd wo er sich in der zeit der gnaden
nicht bekeret / zu seinem ewigen schaden vnd ver-
damnis / gebrauchet / Das er noch arme Chri-
sten ober deme / das sie sich nach ires lieben Her-
ren Ihesu Christi Ordnung vnd einsetzung / in
empfangung des hochwürdigen Sacraments zu
richten / vnd zu halten begern / so verfolgen / pla-
gen / vnd lestern helffen darff. Vnd ist sonderlich
kleglich vnd zu erbarmen / das solche Leute noch
an den orten / da die Warheit nicht verborgen
vnd vnbekand sein kan / funden werden sollen /

A 3.

Dein.

Vorrede an den Leser.

Sein schwer Vrteil werden solche Gefellen erwarten vnd bekommen. Gott aber/der Vater vnser **HEX** Ihesu Christi/wird dennoch die seinen erhalten vnd trösten/wie sehr der Teufel mit seinen schuppen toben vnd zörnen mag/sein ende ist nahe für der thür / da sol niemand an zweiffeln. Den Gottseligen lieben Christen/die zur Warheit lust haben/wil ich diese kurze Schrift / die auff gewissen grund Göttlichs Worts ruhet / trewlich zu lesen befohlen/ auch den Authoren derselben hiemit brüderlich vnd vleissig gebeten haben/ er wolle mir zu gut halten / was ich one sein wissen / vielen Christen zum besten gethan habe/ vnd wolle im Namen des Herrn fortfahren/vnd anhalten/der Warheit wider solche Papstswölffe zu verwaren / vnd hierin sein pfund wol vnd vnuerdrossen anzuwenden/ damit er dessen in der Zukunfft des **HEX** ewigen Ruhm haben vnd behalten möge/Amen. Datum Eisleben/am tage Philippi vnd Jacobi/Anno 1567.

M. Hier: Mencilius der Graffschafft
Mansfelt Superintendens.

Der

Der Friede Ihesu

Christi sey mit allen Liebhabern
der Wahrheit binnen der Stad
Paderborn.

Sieben Freunde vnd Brü-
der in CHRYSO / weil ich guter
meinunge vnd aus Christlichem Brü-
derlichem Eiffer / auch wolgeneigtem
Hertzen für erlichen Jaren / als Anno 61. habe den
Thumprediger bey euch Berhart Ködeken zur busse
vermanet / vnd seinen Irthumb in der Lere / so er
in seinem Buche verfasst / mit sanfftmitigem geist /
in einer gering schetzigen Schrifft / öffentlich durch
den Druck angezeigt / der hoffnung / er durch solch
mein Christlich anmanen vnd freundliche Erinne-
rung / sich solte haben warnen lassen / vnd anders
bedacht. Aber on meine vnd vieler Christen hoff-
nung / vnnersehens hat er also balde folgende
Palmsonntag im 62. Jare hefftig vber die / so nicht
nach Papistischer weise / die eine gestalt des heil-
gen Nachtmals brauchen / vnd von ihm oder an-
dern / ires gewissens halben nicht empfangen kön-
nen / Sondern nach dem Dorff Ostschlangen / oder
nach der Stad Höyer / vmb den rechten gebrauch /
vermöge der Einsetzung Christi vnd Reperition /
Pauli 1. Cor. 11. zu geniessen vnd bekommen / hinged-
reiset / geschulden vnd ungeduldig gewesen / Auch
viel von der Bürger Pflicht / Eid vnd Gelöbden /
darmit

Sendebrieff an die

Darmit sie sich solten anders haben vor vielen Jahren dem Landesfürsten verpflichtet / also das sie wolten bey der Bepflichen Religion bleiben / laut der Recessen so bey Bischoff Erichs / vnd des Churfürsten Hermans zeiten / auffgerichtet vnd versiegelt solten sein etc. weitläufftliche meldunge gethan / das ich vngerue damals gehört / auch weiter also balde von etlichen Christen bey euch Consuliert / vnd gefraget worden / wie ferne solche pflicht (welcher Ködeken gedacht) bey rechten Christen gelten solte / darauff ich aus der Schrifft vnd Magistri Sententiarum Schlussreden (die er aus dem Augustino / Bernharδο / Isidoro / Beda / klerlich gezogen / lib. 3. Sententiarum / Distinctione 39.) genugsam geantwortet / vnd ist war / das ja die frome Abigail hat durch ire Sanfftmüt / das böse furnemen Davids der irem Manne Nabal den tod geschworen / verhindert / darfur auch der frome David Gott sonderlich gedancket / vnd sonst sein vorhaben / ob er schon geschworen / nachgelassen / wie denn einem jedern zuehün zustehet / vnd ja billich ist / das man Gott mehr gehorche als den Menschen. Act. 5. Vnd was sonst weiters auff solche frage damals fur antwort von mir den betrübeten Christen zu Paderborn gegeben / So habe ich jzt binnen Antorff / zweierley zeitung von ewer Stad / zum teil aus mündlicher erzehlung / zum teil auch aus Schrifftlichem bericht / vernommen vnd verstanden / von welchem dis das erst ist / das mich (weis Gott) sehr erfrewet / wie das durch die genesdigen Nutzen der Pestilenz ewer viel (vnter welchen auch viel schwache Frauen gewesen) zur Busse ge-

Bürger zu Paderborn.

se gerathen / vnd sich vleissig an ander örter vnd obgedachte Stedte / vmb den rechten gebrauch des heiligen Nachtmals zubekommen / verfüget / Vnd förder / wie das auch Gott aus sonderlicher gnade habe euch erwecket einen fromen jungen Gottseligen Man / Rodolphum Bredebeckium / im Collegio Buxtorff / welcher nach dem als er das Euangeliu etzliche zeit rein geprediget / vnd bisweilen den Misbrauch der Bepstischen gestraffet / ja auch den rechten gebrauch der Sacrament angenommen / gefördert / vnd ein jedern / der des begirich gewesen / mit deutlichen vnd verstendigen worten / nach dem befehl Christi vnd der Aposteln gebrauch administrirt vnd ausgeteilet / Aber als er den Catechisim vnd auch zuerkleren für dem gemeinen Volcke surgenommen / vnchristlich von den Bepstlichen Collegiaten in der eile verurlaubet worden / Jedoch der frome Gott / euch nach seiner Barmhertzigkeit / solte in des fromen Rodolphi stette / einen andern Man Christliches vnd Eueriges gemütes / Martinum Hoitband Pfarherrn zu der Marcktkirchen erwecket haben / der wol mit gedachtem Rodolpho etwas begunnen / aber nach desselbigen eiection / vnerschrocken habe fortgefahren / vnd durch des vorigen Exilium mehr inflamirt worden / das er mit freudigem Geiste deutsche Psalmen / Nemlich diese / Mitten wir im leben etc. Alleine Gott in der höhe sey ehre / Wir glauben all an einen Gott / Item die Lobgesenge von der geburt Christi etc. in der Gemeine zu singen / vnd endlich die Sacramenta recht nach vnser Kirchen art vnd gewonheit auszuteilen bewogen / vnd

B

des

Sendebrief an die

des vorhabens sey / diese zukünfftige Fasten in stete
re des Teuffelischen Salve Regina / die Lere des
lieben Catechismi dem Volcke zu gute / anzurich-
ten / vnd das ist das erste. Das ander aber
welches fur neue Zeitung an mich aus ewer Stad
gebracht / hat mich sehr dagegen betrübet / Nemb-
lich / das jtzgedachter Thumprediger Gerhardus
Rödiken (das ich bis anher etwas guts von ihm
verhoffet) nach demmale er ein grösser Wablzei-
chen der Muren von Babilon jtz bekommen / vnd
aus ihrem Kelch des Brewels truncken gewor-
den / als ein newer Bepflicher Probst vnd Concu-
binarius vergangen Sommer / weil er solchen Ei-
fer vnd Heisslichen Hunger vnd durst nach dem
waren Gottesdienste / vnd rechten gebrauch der
Sacramenten / bey vielen Bürgern vnd Christli-
chen Warronen gesehen / auch folgend die verens-
derunge in gedachter Pfarrkirchen vernommen /
solch Christlich Werck habe wollen verhindern /
vnd die vorigen Lasterpredigte von im am Palm-
sonntage Anno 62. gerhan / fast repetiret / sonder-
lich von der Bürger pflicht vnd Eyd / wie oben
vermeldet / Auch folgent in öffentlichen Predige-
ren auß fromme Leute / so anders wo die Sacra-
ment Christlich gebraucher / gestürmmer. Item /
selbst erzlichen so es von im vnter Beiderley gestalt
nach C H X S T Y einsetzung in ihrer Franck-
heit begeret / freuendlich geweigert / Vnd es niche
a leine darbey gelassen / sondern auch dieselbigen
nach ihrem Christlichen Abschied / aus diesem
Zammerthal / also / Worten vnd Condition Brü-
der (dar sonst doch die Heiden sagen / Non in sulcan
dum

Bürger zu Paderborn.

dam canis mortuo) mit namen ausgeschrien / vñ
gefährlich / wie das an mich gebracht / mit folgenden
worten / Sie sind nu billich mit Weib vñ Kin-
dern gestraffet / vñ zur Helle ins Teufels Küchen ge-
fahren / es wird auch die Pestilentz sich nicht lindern /
solche Ketzer sein denn ersten aus Paderborn weg-
gerenmet etc. Vñ dieweilen erzliche fromme Hertz-
zen aus andringender not irer Conscientien / auch
wol sollen haben in der Beicht von ihm begeret die
Communion beider gestalt sich reichen zu lassen / Je-
doch er dagegen die frommen Hertzen / mag vñ
sol abgewiesen haben / vñ gefährlich mit diesen wor-
ten / Er wolle darvor sein Leib vñ Seel zum vn-
terpfand setzen / das es recht sey wie er das Sacra-
ment pflege auszuteilen / vñ das es an der einen
gestalt genug sey / gleich als hette der arme Mens-
che seiner Seelen macht / da er doch nicht seiner
Nare eins kan weis machen / Ja auch wol simpeln
Hertzen gedrewet / als wolte er sie bey der Obrige-
keit beschuldigen / vñ beklagen ihres newen ver-
gebens vñ Ketzerrey halben / die in nicht wenig
darumb gebeten / das er solche verbergen vñ ih-
nen zu gute halten wolte. Vñ vber das alle /
werde ich berichtet wie er hat vnser gantzes Mini-
sterium in der löblichen Grasschafft Lippe nicht
wenig angegriffen / vñ des HERREN CHRI-
STI Sacrament / vñ fromme Diener verach-
tet / da er diese wort ausgeschüttet : Da lauffen sie
hin gen Slangen vñ empfangen den Teufel /
vñ speien ihn wider aus in die Heide / vñ was
sonsten mehr der Gotteslesterlichen wort / von
ihme auff der Cangel ausgesprenger seind /

Sendebrieff an die

Ja vber das ist vns noch weiter vermeldet worden / wie das et fürnemlich für andern sich mit heftigen Klagen / schmehen / lauffen one ruge vnd rast / den guten (Dan Rodolphum / bey dem Landes herrn / seiner gnaden Official / vnd dem Capittel im Bistorffe zu verklagen / vnd zu verjagen solte bemühet vnd so lange gearbeitet / bis im solches nach seinem willen gelungen / ja auch noch jetziger zeit dem andern fromen Herrn. Martino mit seiner Practischen Kunst nachzusetzen sich solte befließen / damit er auch ins elend möchte vertrieben werden etc. das ist das ander. Bis anher hab ich die zwo neue Zeitung verholet / so an mich alhier binnen Antorff gebracht / vnd bin jetz aus vielen Ursachen an euch eine geringe kurze Schrifft zu stellen / bewogen / da mich die Christliche liebe billich zusetzt / fürnemlichen aber zwingen vnd dringen mich darzu die lesterlichen wort so Rödeken v. er das Ministerium der Grasseschafft Lippe ausgespiegen / da er meldung gethan / wie das / so im Dorff Ostschlangen / welches in der Grasseschafft Lippe gelegen / das Sacrament empfangen / des Teufels sich teilhafftig machen / So bin ich ja in gedachter löblichen Grasseschafft fast in die zwölff jar ein Pfarherr zu Lemgaw gewesen / vnd noch heutiges tages in stehender Vocation bleibe (denn alhier in Antorff bin ich allein eine geringe zeit zu erbawung der Kirchen der waren Augspurgischen Confession / hingelenet) Darumb von wegen der Ehrwürdigen Pfarherrn vnd gantzen Ministerij der alten löblichen Grasseschafft Lippe / Ja auch billich als ein armer Vnterthaner von wegen des
Edlen.

Bürger zu Paderborn.

Edlen Stammes wolgedachter Graffschafft / die
sampt allen iren Regenten mit solchen worten / als
weren aldort Teufelsdiener in ihren Pfarckirchen /
nicht wenig geschmehet / mus verantworten / Das
aber solches kürzlich vnd mit wenig worten gesche
he / bitte ich alle Gottselige Bürger vnd ware Chri
sten zu Paderborn / das sie bey der angenommenen
Lehre so inen auch ehrmals vor 32. jaren von Ern
Johan Wölner (genant von Büren) sampt Ern
Jacobo Müsinc vnd ihren Christlichen Michels
fern / die damals alle sampt etzlichen Bürgern umb
der waren reinen Lere in ewer Stad gelitten / fur
gerragen / vnd jzt von gedachtem trewen Dienern
Rodolpho vnd Martino repetirt vnd zu predigen
begunnen worden / bleiben vnd feste halten / vnanz
gesehen was Rödcken mit dem Widerchristlichen
hauffen gegen die Wahrheit weschet vnd plaudert.
Wes zum ersten die beiden gestalt im Nachtmal zu
gebrauchen belangen thut / ist ja gewis vnd offens
bar / das die Wort des Testaments Christi von
den dreyen Euangelisten klerlich beschrieben / fest
stehen / gegen Rödcken vnd seinen beschoren hauff
fen / Trincket alle daraus das ist der Kelch des new
en Testaments in meinem Blut / das fur euch vnd
fur viele vergossen wird / solches thut so offt jr es
trincket zu meinem gedechtnis. Vnd das solcher be
fehl zu allen Gлебigen / so wol Leyen als Priestern
sey geredet / zeugen die wort Pauli / 1. Corinth. 11.
Ich hab es von dem H. Erri empfangen / vnd euch
gegeben / Euch / spricht er / das ist allen gлебigen
zu Corincho / denn das bringet ja der anfang ders
selbigen Episteln genugsam mit sich / da er also

Sendebrieff an die

schreibet/der Gemeine Gottes zu Corincho/den ge-
heiligten in CHRYSTO Ihesu / den gescheiden
Heiligen / sampt allen denen die anrufen den Na-
men vnseres HERRN Ihesu Christi/ an allen ih-
ren vnd vnsern örtern etc. Also bald repetirt er die
wörter der einsetzung Christi / Vnd stehen auch
weiter in gemeltem Capittel diese wort / Wenn ihr
zusammen kommet / so helt man da nicht des Her-
ren Abendmal / denn so man des HERRN Ab-
endmal halten sol / nimmer ein iglicher sein eigens
vorhin / vnd einer ist hungerich der ander ist trun-
cken/habt jr aber nicht Meuser da jr essen vnd trin-
cken möget / oder verachtet ihr die Gemeine Got-
tes/ vnd beschemet die so nichts haben etc. In we-
chen Worten er von der Communion der Gemein-
heit one Exception redet. Item/balde hernach fol-
get weiter also bey dem Paulo in gemeltem orte.
Denn so oft ihr von diesem Brot esset / vnd von
diesem Kelch trincket / solt ihr des Herrn Tod ver-
kündigen bis das er kömmet / Welcher nu vn-
würdig von diesem Brot isset/oder von dem Kelch des
HERRN trincket/der ist schuldig am Leib vnd Blut
des HERRN etc. in welchen Worten warlichen der
Apostel keinen vnterscheid machet zwischen Prie-
stern vnd Leyen/ Damit es aber ja gegen Rödekens
grewliche Lestertwort offenbar werde/das kein Chri-
sten Mensch vom gebrauch des Kelches abgeson-
dert sey/oder solte werden / folget also balde in ge-
dachter Epistel vnd selbigem Capittel. Der Men-
sche aber prüfe sich selbst/vnd also esse er von diesem
Brot/vnd trincke von diesem Kelch/ denn welcher
vnwürdig isset vnd trincket/der isset vnd trincket im
selber

Bürger zu Paderborn.

selber das gericht/damit das er nicht vnterscheidet
den Leib des Herrn zc. Was wil nu Rödeken mit
seinen beschoren hauffen aus dem wort (Mensche)
machen? So er dadurch wil Priester verstanden ha
ben/muss warlichen folgen/das die Christlichen Ley
en von im für keine Menschen/sondern für Bestien
gehalten werden / vnd das ist warlichen bey vnser
voreltern zeiten aller Mönchen vnd Pfaffen griffe
auff der Lauten gewesen/welche sie nicht anders als
Beerenleiter bey der Nasen vmbgeföhret/ Es muss
zwar Paulus auch/ja Christus wol selbst nach Rö
dekens Klassen ein Teufel sein gewesen / oder ja den
Teufel ausgeteilet / weil Christus den Jüngern so
nicht nach Beföhlicher weise Messe gehalten/ vnd
Paulus der gantzen gemein zu Corinthen / hat den
gebrauch des Kelchs beföhlen/ Ja weiter nach Rö
dekens rede/weren alle Doctorn/Lerer vñ Bischo
fe so in der Catolischen kirchen von der Apostel zeit
an bis auff den Thomam Aquinatem gelebt Teufel
gewesen/oder Ja den Teufel ausgeteilt/weil sie die
beide gestalt/vñ ausdrücklich den Kelch haben dem
Volk mit Communicirt/wie ire Schrifften genugs
sam vermelden/wie ichs zu allen zeiten gegen Röde
ken beweisen kan/vnd willich bin. Also sehet ir lie
ben Brüder in Christo wie das gewlich lestermal
Rödeke itzt bestehe/ach mich jamert des armen/tol
len/verblendeten Mans/vñ bins gewis/so er nicht
zeitlich vnd bald vom lestern ablest/vñ von hertzen
sich bekeret/vñ sein lesterliche Irrthum e bekennet/
(wiewol zu befürchten das er solchs nicht thun werd
oder könne/weil er so gewlich wider die erkandten
Warheit sich aufflehnet/das er doch ver 13. Jaren
selbst

Sendebrieff an die

selbst hat/wiewol heimlich / ezlichen Christen das ganze Sacrament in Deutscher Sprache gereicht/ vnd nu ein solcher (Mameluck vnd Ecebolius geworden) das er in die gruben hinein stürzen werde/die er mit seinen dreuworten vielen andern hat gegraben/ Ja gleich als er fromme Christen / so im HErrn seliglichen entschlaffen sampt den iren versdampft/ gewislich mit den seinen zur Helle sinken mus. Das ich aber meine rede kürze/mag ich euch nicht bergen/das ich vor etlichen jaren öffentliche Schrift an die Stedte Münster vnd Dortmund in Westphalen gegen den Licenciaten vnd Sophisten zu Cöllen Jacobum Horstium Canonicum Gereonis gestellet / darinne genugsam beweiset / das die beide gestalt im Nachtmal Christi zu allen zeiten von allen gemeinen Christen gebraucht / vnd von der ersten einsetzung Christi an bis auff des Mönches Thome Aquinatis zeiten / mehr als in die zwölffhundert Jahre / one Disputation vnangefochten blieben / Vnd auch wie das viele sarneme Lerer der alten Kirchen / die wort Christi im Nachtmal nicht von Priestern / sondern von allen Christen in gemein verstanden / vnd sonst weiter rationes vermeldet / worumb die beiderley gestalt müsse gehalten werden / ja auch nützlicher vnd dienstlicher sey als die eine etc. Jedoch der lieben Arbeit zu ehren vnd euch zu sterckunge / wil ich mich willig erboten haben/solchs Klerer vn weiter in einem freundlichen gesprech oder öffentlicher Disputation gegen Rödeken vnd seine Mitgehülffen vor einem Erbarñ Rath vnd gantzer Gemeine zu beweisen / oder durch schriftliche erklerunge dazuthun/

Bürger zu Paderborn.

thun / Darumb lieben Brüder in Christo / fahret fort im namen des Herrn / brauchet der beiden gestalt im Sacrament selzlichen / Singet in gemeiner sprache dem **XXII** Psalmen / als Paulus mit klaren worten / 1. Corinth. 14. weit leuffrig leset / vnd sonst Ephes. 5. Coll. 3. auch des gedencket / Vnd solch ein gebrauch ist auch allen Kirchen in allen örten nach der Aposteln zeit bekand vnd gewönlich gewesen / Weiden auch darnon alle furnemliche Doctores der Catholischen Kirchen / wie es gleichsals im begerten Colloquio oder sonst schriftlich kan bewiesen werden.

Lasset euch nicht irren des Eides halben damit ihr euch soltet haben verpflichtet der Bepstlichen Religion / Denn es hat selbst der frome Churfürst zu Cöllen / vnd damals Administrator zu Paderborn / solches / wes er für 33. jaren von euch in vnuerstande erfordert / folgendes mit seinem Exempel genugsam Cassirt vnd Irritum gemacht / ja auch zu abschaffung solcher Contracten / wie ich bin berichtet worden / etliche Dissinen an einen Rath vnd Gemeine zu Paderborn abgefertiget / Hette auch gleichsals der hochgeborne Fürst vnd Herr / Erich von Braunschweig / für im dem Churfürsten / gewesener Bischoff mögen leben / würde zweiffels frey er auch lairt haben die Contract so bey seiner zeit auffgerichtet / vnd dem Euangelio / gleich wie sein Bruder der auch hochgeborne Fürst Philips folgens gethan / raum gegeben / Jedoch seind alle die Contract so die Religion antreffen / durch des Churfürsten Herman von Weyda Exempel a. gethan / Nach dem male er d. selbige lere die **S. Ch.**
C **S. G.**

Sendebrieff an die

f. G. in euch zuvor verdammet / selbst darnach an-
genommen / darumb gelidten / vnd darbey verhar-
ret bis zum tode / So wird euch in beiden Reces-
sen / so beyzeiten Bischoff Erichs vnd hochgedach-
rens Churfürsten auffgerichtet / vermeldet / das da-
rumb fürnemlich vnser Lere (die in solchen Reces-
sen eine newe auffhürische Lere genant wird) solte
in der Stad Paderborn verdampt vnd verboten
sein / weil sie durch den Papsst vnd auch die Key.
Majestet im gantzen Reich mit Edicten vnd De-
creten verboten vnd verdampt were / Aber Gott
lob solches ist genzlich zu vnser zeit umbgekeret /
denn die vrsache darumb es damals zu Paderborn
verbotten / ist itzt im gantzen Reich abgeschafft /
vnd darumb bey euch auch solche Edicta nicht
mehr geltend können / Wes weiter im Passaw-
schen vertrage vnd abescheide des Augspurgischen
Reichstages / Anno 1555. gehalten (welche im
letzten Augsburgischen Reichstage vergangen
1566. gehalten / vernewert vnd besterigt worden)
wissen sich alle verstendige / genugsam zu berichten /
Vnd weñs nicht zu lang würde wolte ich die wort
des Reichs abscheides / wie sie in sich lauten hieran
setzen / damit ihr desto klerer verstendiger möchtet
werden / wie das die Lere der Augsburgischen Con-
fession jedermenniglichen frey gelassen / aber es wil
die zeit nicht leiden / vnd sind sonsten vielen bekand-
genugsam / Darumb auch in vielen andern Bis-
chofflichen Stedten hoch vnd nidern Teutschlands
des / dieser Lere sein lauff vergönnet worden. So
bekümmert euch nicht lieben Bürger des Eydes
halben / so etzliche von euch in vnuerstande gethan /
denn

Bürger zu Paderborn.

denn es ist ja bekandt genug/ das Herodes unrecht
gethan / da er vmb des losen Eyds willen Johans
nem den Teuffer hat böpfen lassen / wil sich ja so we
nig reimen / wenn einer seinen Eltern / Frawen /
Kindern / Sbrigkeit / den Todt aus vnbedacht
geschworen / oder einer aus heffiger vnfinnig
keit sich selbes gewalt zu thun vorgesetzt / das er
vmb solchen leichtfertigen Eyd / vnd tolles furhas
ben möge die Execution fur die Hand nemen / po
ne casum (sagen die Gelehrten) Wenn ein Bür
ger zu Paderborn / hette sich mit Gelübde vnd
Eyd verpflichtet / vnd zugesaget einem benach
barten oder ausländischen Herrn oder Junckern
auff gewisse zeit Büchsen / Harnisch / Artarie / das
ist / Pulffer vnd Lör zu lieffern / Vnd vnter dem
gedachter Herr oder Juncker sich feindlich er
zeigete vnd erklere / gegen die Stad / Rath vnd
Gemeine zu Paderborn / So ist nu die frage / ob
auch der Bürger schuldig sey / den gethanen Eyd
zu halten / vnd seinen vorigen versprochenen pflich
ten / nachzukommen / Hier wird ja ein jeder redeli
cher auff antworten müssen / Nein / denn da ist vn
ter dem eine ander gelegenheit furgelassen / die ihm
damals vnbeuust / als er sich in Eydes krafft mit
dem Herrn hat eingelassen / So hat auch nu die
Sache ein andere gestalt als beuorn / da der
Bürger sich mit nichte versehen / das er mit sol
chen Wassen vnd Rüstung solte sein liebes Va
terland beschweren / Darumb ist er nun mehr
schuldig / seinem VATERLANDT Beypflichtunge
zu thun / Als solte er mögen von wegen seines
Eydes / den Feind seines Vaterlandes stercken /

Sendebrieff an die

Es mus der gemeine nutz dem priuat vorteil vorgezogen / vnd der nutz eines Menschen dem gemeinen Profit weichen / Demnach mus hier in diesen sachen auch procedirt werden / denn so etwas in Religionssachen were von euch gegen Gottes Wort in vnuerstande vnwissentlich hierbenorn mit gelöbden auffgenommen / kan billich / gleich wie der Eid Davids durch die stawen Abigail verhindert / abgethan werden / Tu es ein ander gestalt mit ewrem gewissen hat als damals / vnd jr jzt ein bessern bericht der Euangelischen Lere bekommen denn vorhin / Darumb musset jr gedencken / das ihr ja mehr Gott fürchtet als den Menschen / Gott kan Leib vnd Seele zur Helle versencken / die Menschen alleine den Leib tödren / Matth. 10. Es ist auch billich Gott mehr gehorchen als den Menschen / Act 5. Es weichen auch billich alle Concilia dem höchsten Concilio / darinne Gott der Vater den ausspruch gethan / Das ist mein lieber Son / den solt jr hören / Matth. xvij. Es weichen auch alle Doctorn billich dem obersten Doctori der Heiden dem Apostel Paulo / der das Euangelion von keinem Menschen gelernt / sondern von Gott selber / vnd in dritten Himmel erzuckt worden etc. Dieser bericht aber wird von mir nicht geschrieben / als solt jr oder jemand der Obrigkeit vngheorsam sein / wie in diesen Niderlendern viele sich mit mutwillen (erbarm es Gott) erzeigt haben / Denn wir sind schuldig in allem was wider Gott vnd sein Wort nicht ist / der Obrigkeit ja auch den wunderlichen Herrn zu willfahren / gebürliche Ehre erzeigen / vnd alles wes jnen gebürt nachzugeben / auch
alles.

Bürger zu Paderborn.

alles in leiblichen dingen / inen vergönnen / allein so
das gewissen befreyet vnd vnbeschweret bleibe /
Demnach werdet jr euch Christlich halten / nichts
thetliches oder mit der faust furnemen / Sondern
mit flehen / bitten vnd Supplicirn bey ewrer ges
pürlichen Obrigkeit in der Stad Paderborn an
halten / vnd ire alles was sonst zu dieser sache könd
te dienlich sein / vnd sie möchte Christlich bewegen /
erinnern / Wes aber von dem Pfarhern Martino
in der Marcktkirchen sonst von jm selbst geschehen
ist / darzu fördert vnd nötiget in warlich sein Pfar
ampt / Denn er / vnangesehen die verhinderunge so
jm köndte oder möchte von der Obrigkeit vnd an
dern vorfallen / mus vnd mag mit dem Göttlichen
Worte lauter vnd rein die Schaffe / so jm der Ertz
hirte Christus befohlen hat / weiden vnd sie nicht
verlassen / Dargegen ist es auch billich vnd euch
rhimlich / so jr bey einem trewen Diener vnd Seel
sorger / auch an der reinen Religion fest halten / ime
in seinem Christlichen furhaben so viel möglich bes
fördern / vnd in solchem Rechten Kirchendienst zu
behalten / bey der Obrigkeit mit Supplicirn verar
beiten / Vnd nach solcher weise / werdet jr euch der
Sedition vnd mutwillens / damit das Euangelium
nicht möge getadelt werden (wie alhier zu Antorff
vnd in andern Stedten von den Calvinisten vnd
Schwimelgeistern so vnserer Lere nicht seind / lei
der geschehen) enthalten / vnd in sanftmütigem
Geiste bey der reinen Lere bleiben / Jedoch euch
sters vor dem falschen Propheten Gerdt Ködes
ken / so er bey der Wolffsart bleibet / vleissigen hü
ten vnd warten / Gott bekere in (mag man das im

Sendbrieff an die Bürger zu Paderborn.
wünschen vnd bitten) vnd stercke euch alle durch
CH**R**I**S**T**U**m seinen lieben Son / mit dem heil-
ligen Geist / auf das solch ein Christlich angefangen
werck bey euch zu ehren des Göttlichen Namens /
vnd zu vieler Menschen Seligkeit / einen Glückse-
ligen Fortgang möge gewinnen / Datum Antorff /
mit grosser eile / am Tage Purificationis Marie /
Anno 67.

E. Liebe in allen Christlichen Sac-
chen geneigter vnd williger Her-
mannus Hammelmannus der heil-
ligen Schrift Licenciat.

Faint, illegible text in a Gothic script, likely bleed-through from the reverse side of the page.

Die...
...
...
...
...



151025

AB 154 025

X 197 8808



FORMA PHILIPPI VALENTINI
MERSIVA RESCIA PINGINOVA
ES ANNEBONTSETTVASCRIP





9

Ein Christlicher

Sendebrief an die Bürger der
Stad Paderborn aus Antorff gesand/
darin Gerhart Ködekens vnechrist-
lich vorhaben mit gewissem
grunde der Schrift vnd
anderer gezeugnisse
verlegt wird.



Durch

Hermannum Hammelman /
der heiligen Schrift Licenciatum
vnd Pfarherr zu Lemgare.

Sampt einer kurzen Vorrede /
M. Hieronymi Mencilij / der
Graffschafft Mansfelt
Superinten-
dentem.

ANNO LXVII.

